

汗通行

漏蘆二兩

蛇蛻炙十條

瓜

萋十個急火燒存性

右爲末。每服二錢。溫酒調。不以時服。仍吃熱羹湯助之。成煉乳粉治乳婦氣少血衰。脉澀不行。乳汁絕少。

右一味研細。每服抄二錢。濃煎漏蘆湯調下。

母豬蹄湯治如前。

母豬蹄一隻治如食法

通草四兩

右以水一斗。浸煮得四五升。取汁飲。不下更作。服了用梳頭木梳於乳上梳下效。

青桑膏治乳硬作痛。

嫩桑葉左採研細。米飲調攤紙花。貼病處。此證四十已下可治。五十以上不可治。治之則死。不治則自得終其天年。

世醫得效方卷第十四終

世醫得效方卷第十五

產科兼婦人雜病科

通治

四物湯隨證加味。宜酌量入。

當歸

川芎

熟地黃洗焙酒炒

白芍藥各等分

右剉散。每服四錢。水一盞半。煎至七分。去滓食前熱服。爲末服亦可。若平常血氣不調及常服。只用本方。春加當歸。夏加芍藥。秋加川芎。冬加地黃各一兩半。日二三服。妊婦作惡生寒。面青。不思飲食。憔悴。陳皮枳殼白朮茯苓甘草。產後敗血築心。地骨皮芍藥。潮熱。黃芩地骨皮柴胡。咳嗽。桑白皮半夏生薑人參甘草北五味子地骨皮。損孕下血不止。頭痛寒熱耳鳴。氣血勞傷所致。黃芩荆芥生地黃生薑赤芍藥。虛寒潮熱。柴胡地骨皮白朮茯苓甘草秦艽知母黃芩麥芽貝母人參烏梅棗子。心腹脹滿。枳殼青皮。虛汗麻黃根。產後潮熱。白朮北柴胡甘草。

牡丹皮地骨皮。有熱黃芩。汗加浮麥。腸風下血。槐角槐花枳殼荊芥黃芩大腹皮紅內消地榆石榴皮白鷄冠花爲散煎。一半爲末。空心鹽湯舊酒調下。鼻衄吐紅。竹青蒲黃藕節半夏丁香訶子桂花紅棗飛羅麵白茅根蚌粉。奶癰連翹茨菰子紅內消白芷菰片荊芥牛膝山蜈蚣乳香沒藥漏蘆生地黃。血風兩脇築疼。或盤腸成塊。大黃蘗撥乳香。胎動漏下不止。黃耆側柏阿膠甘草續斷。平常經血淋瀝不斷。或多或少。或赤或白。非時漏下。可多服有效。月水不通。野苧根牛膝紅花蘇木。舊酒。水同煎。臨產小腹緊痛。紅花滑石甘草燈心葵子。閉經。枳殼大黃荊芥黃芩青皮滑石木通瞿麥海金沙山梔子車前子。安胎及胎漏下血。阿膠大艾甘草蒲黃炒過。產後腹痛。血塊攻腸。大艾沒藥好酒。產後病眼。北細辛荊芥羌活甘草菊花木賊石決明草決明。女人赤眼頭風疾。薄荷清茶。赤眼生風。防風黃芩。產後浮腫。氣急腹大。喉中水鷄聲。牡丹皮荊芥白朮桑白皮赤小豆大腹皮杏仁半夏馬兜鈴生薑葱白薄荷。月水不調。血崩。或多或少。或前後。嘔逆心膨。陳艾黃耆。血弱生風。四肢痹疼。行步艱難。乳香人參沒藥麝香甘草五靈脂羌活獨活防風荊芥地龍南星白附子澤蘭。爲末蜜圓。木瓜鹽湯下。血氣膨脹。甘草木香枳殼馬兜鈴葶藶紫蘇藿香地黃。空心服。補血住崩。百草霜敗棕灰月綿灰蒲黃炒

過龍骨白薑。血成片。地黃藕節。黑血片。人參白朮。白血片。龍骨。青黃。木瓜。五色。生麝香好酒。鮮紅。溫酒鹽湯。風瘡赤腫。荊芥牛蒡子何首烏甘草防風羌活地黃鹽酒。帶下。肉桂蒲黃百草霜甘草黑豆白朮玄胡索白薑龍骨。空心鹽酒。血寒。甘草烏梅柴胡桃柳枝。感風勞嗽。款花知母阿膠半夏麻黃甘草馬兜鈴黃芩杏仁柴胡薑錢訶子烏梅。月經久閉。肉桂甘草黃耆薑錢棗子木通紅花。大便下血。四肢寒。膨脹。乃腸胃有風。槐花枳殼漏蘆荊芥木香白鷄冠花木通紅內消紫草石榴皮陳皮黃芩青皮甘草白茅根槐角。虛瀉。人參川芎白芷蒲黃炒阿膠白朮萊菔續斷乾薑黑附子肉桂黃耆赤石脂甘草。蜜丸。鹽梅湯下。白帶。用龍骨酒。胎前產後痢後風。乳香龍骨萊菔木香肉桂蒼朮牡丹皮白薇人參甘草澤蘭大椒茴香。煉蜜爲圓。木瓜酒下。亦治帶下。赤白痢。陳米飲。心腹膨。炒薑酒。血氣。艾醋湯。渾身勞倦。爲末炒薑酒陳青蒿鹽和調下。虛證四肢黃。甘草牡丹皮澤蘭白薇蒼朮桂心茴香。蜜丸鹽湯溫酒下。嘔逆。飲食不入。加白朮丁香甘草人參縮砂益智仁胡椒。經行腹痛。腰背痛。芸薹牛膝紅花吳茱萸菴蘭甘草。銀器燈心熱服。虛渴。人參乾葛烏梅瓜蒌根。受胎。小腸氣痛。木香銀器胎前嗽。枳殼甘草款花知母馬兜鈴半夏木通葶藶人參苦梗麥門冬。腳腫。大腹皮赤小豆

茯苓皮生薑皮。產後不語。失音。訶子人參沙蜜百藥煎。陰陽交合經脉行。赤石脂黃耆肉桂百草霜敗棕灰肉豆蔻當歸木香龍骨白朮茯苓地榆藕節。胎氣衝肝腰脚痹。行步艱難。枳殼甘草木通連翹荆芥地黃羌活獨活山梔子。燈心空心服。氣築小腸痛。玄胡索煎效。常服加茱萸。陽臟少使。陰臟多用。

莖朮散隨證加味。宜酌量入。

當歸去尾 川芎 莖朮煨 甘草 揚芍藥 熟地黃酒洗
茴香 白芷

右爲末。每服二錢。鹽酒調下。月經不調。銀器燈心。安胎。黃耆生地黃。補虛調氣。生薑紅棗。遍身虛腫。當歸酒。小便不通。滑石末。心虛發狂。朱砂研調。敗血衝心。腹痛如刀刺。燒秤錘紅淬酒。不退。五靈脂酒。血閉身疼。炒薑酒。吐酸水。丁香七粒煎湯。血風上攻。眼目浮腫。荆芥。小腹痛。木瓜。渾身浮腫。薑湯或葱湯。胃惡。藿香。頭面腫。赤豆荆芥湯。下血不止。木香湯。冷嗽。桑白皮乾柿。頭痛。川芎細辛。血風熱潮。生薑紅棗。虛汗。麻黃根。吐不止。陳青蒿。血風腰疼。芸薹子搥碎。女人血結不通。手發攣急。不知苦。薺菜一握。順流水捌汁。

手足痺。樟柳根浸酒。血海虛冷。大艾。腹脹不消。芝麻一合。炒薑酒。月水不勻。當歸浸酒。女人血氣成塊。築心。銀子燈心。血崩。赤白帶。眞龍骨末好紅酒調。血風中心。狂言亂語。渾身壯熱。桃柳枝七寸。血刺成塊不散。菴藷。女人癖氣膈氣。炒茴香酒。婦人不問虛熱傷風。血氣潮熱增寒。一切百病。先以參服。隨證湯引投之。服以他藥調理。無不應驗。冷嗽。猪血。心燥。猪肝酒。催生。順流水滑石禹餘糧榆白皮坏子乳香葵子。酸車草汁煎湯。或黃柞葉垂下者。胎衣不下。再加莖朮地黃竹青。行血。菴藷生地黃紅花蘇木陳艾減揚芍藥加赤芍藥梢。

加味五積散

厚朴去粗皮 薑汁炒 半夏洗 揚芍藥 枳殼去穢 炒 木香 肉桂各一兩
陳皮 白薑一兩 兩錢 蒼朮六兩 兩錢 甘浸炒 桔梗 香附子炒去毛 茴香炒
粉草 人參去蘆 茯苓去皮 川芎 當歸去尾 川白芷各一兩

右剉散。生薑木瓜入鹽煎服。陰證傷寒。生薑附子。血脉不勻。紫蘇。氣嗽。烏梅薑錢。勻經。棗子薑錢。補益血海。蘇鹽。產後。生薑醋炒陳艾。胃冷不納食。陳皮縮砂。赤白帶。陳米。冷氣疾。木香茱萸。心燥。背筋急。頭暈。腰脚痠。生乾地黃當歸。脾虛。蘇葉粉草。月中被驚。或

因爭觸。心頭結塊。五膈五噎。茴香棗子。口苦舌乾。吞酸噫氣。此爲胃冷。生薑鹽。腰痛。桃仁木瓜杜仲川續斷。身疼。秦芫。諸虛脾胃不和。羸瘦冷氣。蘇鹽。冷瀉。炒過生薑烏梅肉豆蔻陳米。

芎歸湯治產前產後腹痛。體熱頭疼。及諸疾纔差了。未進別藥。卽先服此。能除諸疾。逐敗血。生新血。

川芎 二兩

川當歸 三兩

右剉散。每服三錢。水一盞。酒二分煎。溫服。爲末亦可。將產先安排兩服煎。產了速進之。三日內日二服。三日外日一服。諸證失血。傷胎去血。產後去血。崩中去血。金瘡去血。拔牙去血不止。及一切去血過多。心煩。眩暈悶絕。不省人事。頭重目暗。舉頭欲倒。悉治。若產後眩暈。宜加揚芍藥。產後腹疼不可忍者。加桂心酒。與童子小便合煎。立效。臨月服之。則縮胎易產。兼治產後諸疾。虛損羸乏。腹中疝痛。往來寒熱。吸吸少氣。不能支持。頭眩自汗。腹內拘急。每服用精羊肉一兩。薑十片。水二盞煎。溫服。婦人室女。心腹疝痛。經脉不勻。水煎。妊婦胎氣不安。產後諸疾。酒煎。婦人血氣上喘下腫。等分爲末。二錢。空心。煎艾湯服。產後及損娠敗血衝心。腹脹氣絕者神效。難生倒橫。子死腹中。先用黑豆一大合炒。熟水一盞。入童子小便一盞。藥四錢。煎至一盞以

上。分爲二服。未效再作。產後惡血注心迷悶。喘急腹痛。依前用黑豆加生薑自然汁半合煎服。

兼治臟毒。每服一錢半。入炒槐花半錢。水一盞煎。不以時服。三日取下血塊卽愈。產後頭痛。

荊芥。吐血亦宜服。

通眞丸

隨證加減

當歸 去尾

蒼朮 切炒

肉桂

防風

川芎

人參

白芍藥

白薇 去土

熟地黃 酒炒

牡丹皮

茴香

白朮

白茯苓

桔梗

附子 炮

澤蘭葉 等分

右爲末。蜜丸。每服一丸。血崩經脉不勻。赤白帶下。炒當歸酒下。血風癢疹瘙癢。薄荷蜜湯。冷氣塊築心腹。嘔逆反胃。炒鹽湯下。腸風瀉血。赤白痢。月信不止。米飲下。血風勞倦。青蒿酒。頭疼眼花。荊芥茶下。月信不行。室女紅脉不通。產後諸風。中風不語迷悶。五丸。紅花蘇木湯。胎漏下血。氣刺心腹脹滿。炒薑酒下。

白薇散

隨證酌量用湯引

白薇 去土

川芎

熟地黃 酒炒

桂心

牡丹皮 去骨

甘草 炙

產科兼婦人雜病科

通治

七六五

當歸去尾

澤蘭葉

蒼

朮切炒

芍

藥各等分

右爲末。每服三錢。氣刺心脇痛。艾醋澤蘭湯。頭痛心燥。米泔米飲。氣虛。土芎湯。頭痛。京芥湯。胎前潮熱。氣急心悶。生地黃燈心。產後腹膨吐逆。藿香胡椒。胎氣不安。陳艾。下血不止。糯米地榆陳艾。產後血刺脇痛。艾醋湯。小腹疼。地黃薑汁好酒。產後腰腿疼。背膊痛。木瓜白膠香沒藥好酒。月經不勻。百草霜溫酒。若過多。藕節酒煎。又用陳艾阿膠。月水不通。杜牛膝野苧根蘇木。紅花酒下。赤白帶心燥。腰疼。沒藥。白帶。黃耆切。和鹽炒。酒浸吃十服。胎衣不下。順流水酸車草。產後血氣。當歸鹽炒好酒。產後勞嗽。糯米桑白皮。熱嗽。生地黃芭蕉水。產前產後潮熱。桃柳枝。臨產小腹緊痛。桑白皮葛根立便催生。產前產後臟腑結。枳殼。下血。地榆。心神亂。銀器。大小便秘。麻仁蘇子。血風。腳膝腫痛。寒熱。生薑黃水柳根。血崩。竹青藕節霜梅。熱吐紅。山梔子竹青藕節。奶癰。蔓京子。酒煎調服。

大烏鷄煎圓治胎前產後諸般疾患。並皆治之。

烏雄鷄

藥五錢

海桐皮一兩

草果二錢

石床五錢

肉

桂去粗皮一兩

熟乾地黃洗焙二錢半

人參去蘆

白朮各半

附子去皮臍一兩

木

香二錢

黃耆

牡丹皮各半兩

白芍藥

蓬莪茂

川烏炮

陳皮

紅花各一兩

玄胡索

肉豆蔻各二錢半

蒼

朮米泔浸切焙七錢半

琥珀二錢

右剉散。用烏雄鷄一隻。湯搏去毛及腸肚。將藥安置肚中。用新甕瓶好酒一斗。同煮令乾。去鷄骨。以油單盛。焙乾爲末。煉蜜丸。梧桐子大。每服三十丸。胎前產後傷寒。蜜糖酒服。胎前氣悶壯熱。炒薑酒。赤白帶下。生薑地黃煮酒。產後敗血攻心。童子小便炒薑酒。產後血塊築痛。玄胡索酒。胎前嘔逆。薑湯。催生。炒蜀葵子研入酒。安胎。鹽酒。室女紅脉當通不通。四肢疼痛。煎紅花研入酒。血氣攻刺心腹疼痛。煎當歸酒。血暈。棕櫚燒灰入酒。血邪。研朱砂麝香入酒。血悶。煎烏梅湯入朱砂末。子宮久冷。溫酒或棗湯空腹日一服。血風勞。人參酒。小便便痔痛。炒茴香食鹽入酒。血散四肢。遍身虛浮黃腫。赤小豆研細入酒。常服。溫酒醋湯並空心吞服。

大效內補圓治產後虛羸。及傷血過多。虛竭少氣。臍腹拘急。痛引腰面。面白脫色。嗜臥不眠。唇口乾燥。心忪煩倦。手足寒熱。頭重目眩。不思飲食。或勞傷衝任。內積風冷。崩中漏下。淋瀝不斷。及月水將行。腰腿重疼。臍腹急痛。及治男子婦人從高墜下。內有瘀血。吐血下血等病。

眞蒲黃微炒三分熟乾地黃三兩洗切酒炒阿膠搗碎粉炒如珠當歸去蘆切微炒川續斷去蘆乾薑炮甘草微炙芎藭各四兩附子炮去皮

白芷

白朮各三兩肉桂去粗皮白芍藥各三兩吳茱萸湯洗七次焙乾微炒三兩

右爲末。煉蜜圓。如梧桐子大。每服二十圓。食前溫酒下。漸加至五十圓。一方加杜仲鹿茸肉蓯蓉北五味子。

小嘉禾散治榮衛不調。血氣虛弱。面色痿黃。四肢無力。手足倦怠。盜汗併出。皮肉枯瘁。骨肉羸瘦。飲食不進。日漸臥床。病後不能調理。變成崩漏。用之神效。

木香

丁香

丁皮各三錢巴戟去心

紫蘇葉

白茯苓

蒼朮浸炒肉豆蔻煨附子炮各五錢沉香三錢苦梗去蘆

粉草

茴香炒

山藥

白豆蔻仁

扁豆各五錢炒

右剉散。每服三錢。水一盞半。生薑三片。紅棗二枚煎。溫服。止瀉加黑豆炒。止痢加粟殼蜜炒。

勝金丹治月水過期不通。久無嗣息。血癖氣痛。四肢浮腫。嘔逆心疼。虛煩鬱悶。面色痿黃。崩漏帶下。寒熱蒸勞。頭疼齒痛。血下無度。淋瀝諸疾。產前安胎。臨產催生。產後胎結疼痛。傷寒煩渴。瀉痢。血暈。

血勞。筋攣痰盛頭疼。敗血上衝血刺。泄瀉咳嗽喘急。咯血血塊起伏。氣痞氣膈。血滯腰痛。小便不禁。子死腹中。傷寒汗不出。血風。脚手瘳頑。凡產後諸疾。並皆治之。

牡丹皮去骨

川蘘本

人參去蘆川當歸去尾

白茯苓

赤石脂

香白芷

交趾桂去粗皮白薇去土

川芎

玄胡索

白芍藥

白朮米泔浸一宿各一兩甘草炙沉香不見火

右件並用溫水洗淨。藥乾搗羅爲末。煉蜜丸如彈子大。每服一丸。空心溫酒下。凡妊娠臨月。服此五六丸。卽易產。如久無子息。服二十九丸。當月有子。并治積年血風。半身不遂。種種血疾。不問年深日久。皆療神效。

大聖散治血海虛冷。久無子息。及產後敗血衝心。中風口噤。子死腹中。擘開口灌藥。須臾生下無恙。并治墮胎。腹中攻刺疼痛。橫生逆產。胎衣不下。血運血癖。血滯血崩。血入四肢。應血臟有患。及諸種風氣。或傷寒吐逆咳嗽。寒熱往來。遍身生瘡。頭痛惡心。經脉不調。赤白帶下。乳生惡氣。胎臟虛冷。數曾墮胎。崩中不定。因茲成疾。及室女經脉不通。並宜服之。常服暖子宮。和血氣。悅顏色。退風冷。消除百病。丈夫五勞七傷虛損。一切疾證亦治之。

澤蘭葉

石膏研各二兩

白茯苓去皮

卷柏去根

柏子仁炒

防風去蘆

厚朴去粗皮炙

細辛去苗

人參去苗

藁本去苗

乾薑炮

五味子

白芷

川椒去目及閉口者炒出汗

白朮各三分

當歸去蘆

蕪荑炒

甘草炙

川芎各一兩三分

生乾地黄一兩半

白朮各三分

當歸去蘆

黃耆去苗三分

芍藥一兩三分

白薇半兩

桔梗一兩

川烏三分

阿膠半兩

丹參三分

吳茱萸湯洗七次焙炒一兩

右爲末。每服二錢。空心熱酒調服。若急有患。不拘時候。日三服。

大玄胡索散治經病。及產後腹痛。脹滿喘悶。癥瘕癖塊。一切心腹暴痛。

甘草一兩

桔梗

黃芩

大黃各半兩

當歸去尾

三棱

莪朮煨

官桂去粗皮

玄胡索

赤芍藥

厚朴

木香

檳榔

川練子各二錢半

右剉散。每服三錢。水一盞煎。熱服。食前日三服。惡物過多。去大黃官桂。加入黃藥子槐子龍骨各

半兩。或平人心脾急痛。服得利亦效。後常服亦可。

灸法 治睡後忽一點疼起。遂致遍身亦痛。諸藥不效。用艾炷如小指頭大。以水透濕紙約五六重。

纏裹其手痛處。又用斷木匙頭安放濕紙上。對抵痛處。却將艾炷於木匙上灸。其發艾之人。默念

大慈大悲救苦救難觀世音菩薩摩訶薩名號三七遍。須臾諸痛悉除。所灸處亦有膿水出。生肌

癥而後愈。

感冒

麻黃湯發散四時傷寒。潮熱。頭痛。時疫。

前胡

柴胡各去毛

石膏

蒼朮剉炒

藁本

赤芍藥

白芷

土芎

乾葛

升麻各五錢

麻黃三錢

右剉散。每服四錢。生薑三片。連鬚葱二根煎。不拘時服。春加黃芩。夏用正方。秋加麻黃。

冬加豆豉。

解肌湯治勞傷體熱。鼻血。兼退熱。

柴胡

麻黃

木通

茯苓

犀角

蒲黃

黃芩

赤芍藥

葛粉

生地黃

甘草各等分

右剉散。每服四錢。水一盞半。生薑三片、紅棗二枚煎。不以時溫服。

人參湯治經水適斷。熱入血室。寒熱如瘧。日晡最甚。加生乾地黃。每服三錢。水一盞半。生薑三片、紅

棗二枚煎。溫服不拘時候。方見大方科傷寒類。即小柴胡湯。

桂枝紅花湯治傷寒發熱惡寒。四肢拘急。口燥舌乾。經脉凝滯。不得往來。

桂枝

赤芍藥

甘草

各一兩半

紅花一兩

右剉散。每服五錢。水一盞半。生薑四片、紅棗二枚煎。溫服。良久汗出而解。

海蛤散治傷寒血結胸膈。揉而痛。不可撫近。

海蛤

滑石

甘草

各二兩

芒消一兩

右爲末。每服二錢。鷄子清調下。小腸通利則胸膈血散。膈中血聚則小腸壅。既壅則膈中血不流行。宜服此。□小便利血數行。更宜桂枝紅花湯。發其汗則愈。

三黃圓治陽毒傷寒。棄衣而走。不避親疏。妄言罵詈。以朱砂爲衣。新汲水下十圓卽效。未效再服。見方

大方科
積熱類

喘嗽

人參散治血風勞嗽。乍寒乍熱。傷寒咳嗽。起坐不能。

人參

知母

秦艽

款冬花

麻黃

杏仁

苦梗

馬兜鈴

寒水石

南星

地骨皮

粉草

半夏各等分

右剉散。每服三錢。水一盞半。麥門冬二十粒。去心煎。溫服。喘嗽加烏梅。氣急桑白皮。

噲化圓治患肺熱久嗽。身如炙爛。將成肺勞。

枇杷葉去毛

桑白皮

款冬花

木通

紫苑

杏仁

各等分

大黃減半

右爲末。煉蜜圓。如櫻桃大。食後夜臥噲化一圓。

貝母湯治諸嗽久不差。

貝母

生薑汁浸半日

北五味子

黃芩

乾薑

減半

陳皮

各一兩

半夏

桑白皮

桂心

北柴胡各半兩熟者減一半

木香

甘草各一分

右剉散。每服五錢。水一盞半。杏仁七粒去皮尖碎之。生薑二片煎。熱服。

金不換散治男子女人肺胃虛寒。久嗽不已。喘促滿悶。咳嗽涎盛。腹脇脹滿。腰背倦痛。或虛勞冷嗽。咳唾紅痰。及遠年日近一切喘嗽。諸藥不效者。並治之。

罌粟殼半兩去膜蜜炒乾

枳殼四錢

杏仁去皮尖

甘草各三錢

右剉散。每服三錢。水一盞。生薑三片。烏梅半個煎。食後臨臥漸漸熱服。

千縉湯治痰喘。數服瘥。

齊州半夏七枚炮裂四片破之

皂角去皮炙一寸

甘草炙一寸

生薑如指頭大

右以水一碗。煮去半。頓服。

調經

煮附圓治婦人室女一切血氣。經候不調。臍腹疔痛。面色痿黃。心忪乏力。腹脹脇疼。頭暈惡心。飲食減少。崩漏帶下。大腸便血。積聚癥瘕。並皆治療。若以其名。人人言之耗氣。不喜此藥。世訛之久。不肯

服者甚多。殊不知獲效非常。古書所載婦人仙藥。不可輕忽。修製相感。豈同日而語哉。服之洵顯其功耳。

右以香附子不拘多少。先搗去毛淨。用好醋煮半日出。焙碾爲末。梧桐子大。每服三四十圓。米飲吞下。不以時候。婦人數墮胎。由氣不下降。所以胎氣不固。此藥尤妙。一方加陳艾。亦有加當歸鹿茸。

滋血湯治血熱氣虛。經候澀滯不通。致使血聚。肢體麻木。肌熱生瘡。渾身疼倦。將成勞瘵。不可妄投他藥。但宜以此滋養通經。

馬鞭草

荊芥穗

牡丹皮去骨

赤芍藥

枳殼去穢妙

肉桂

當歸去尾

川芎各等分

右剉散。每服四錢。水二盞。烏梅一個。煎至一盞。空心日四五服。有此證服至半月或一月。經脉自通。百病皆除。

涼血飲治血熱經水不調。心煩。口乾煩躁。或遍體生瘡。

赤芍藥

黃芩

川芎

甘草

荊芥

生乾地黄去土

麥門冬 去心

瓜 根

右剉散。每服三錢。水一盞半。燈心十莖、淡竹葉十皮煎。溫服不拘時。有寒熱加秦艽、北柴胡。此濟陰爲第一方。

紫石英圓治月經乍多乍少。或前或後。時發疼痛。醫者一例呼爲經病。不會說得是陰勝陽、陽勝陰。服藥所以少效。蓋陰氣乘陽則胞寒氣冷。血不運行。經所謂天寒地凍。水凝成冰。故令乍少而在月後。若陽乘陰則血流散溢。經所謂天暑地熱。經水沸溢。故令乍多而在月前。當和其陰陽。調其血氣。使不相乘。以平爲福。

紫石英 細研水飛

人 參

龍 骨

川烏頭 炮

桂 心

禹餘糧 微醋

杜 仲 絲炒去

遠 志 去心

澤 瀉

當 歸

桑寄生

菰 蓉 酒浸

乾 薑 炮

五 味 子

石 斛 去根各一兩

牡 蠣 煅

甘 草 炙

川 椒 去目及閉口微炒出汗各半兩

右爲末。煉蜜圓。梧桐子大。每服三十至五十圓。空心米飲下。

當歸散治天癸已過期。經脉不勻。或三四月不行。或一月再至。腰腹疼痛。素問云。七損七益。謂女子

七七數盡。而經脉不依時者。血有餘也。不可止之。但令得依時不腰痛爲善。

白 朮 半兩

黃 芩

山茱萸 湯泡取肉

當 歸

川 芎

揚芍藥 六味一同剉碎各一兩病證若冷去黃芩加桂

右爲末。每二錢。酒調空心日三服。養胎益血。安和子臟。

通經圓治婦人室女月候不通。疼痛。或成血瘕。

桂 心

青 皮 去白

大 黃 炮

乾 薑 炮

川 椒 炒出汗

蓬 朮 炮

乾 漆 炒去烟

川 烏 炮

當 歸 去蘆

桃 仁 炒各等分

右爲末。內四分用米醋熬成膏。和餘六分末成劑。臼中治之。圓如梧桐子大。略曬乾。每服二十圓至三十圓。淡醋湯溫酒空心下。尋常血氣凝滯疼痛。數服立效。

茱萸鹿茸圓補氣固血。治本臟因虛生寒。月經行多。或來不及期。腹痛怯風。臟腑不和。

鹿 茸

五 味 子

菰 蓉

杜 仲

赤石脂 各一兩

吳茱萸

附 子 炮

乾 薑

黑龍骨

肉豆蔻

白茯苓 各半兩

乾地黃 半兩

右爲末。酒煮麵糊爲丸。梧桐子大。空心食前。熱米飲下五七十丸。一月血氣已安。去龍骨加沉香。

半兩。可以常服。中年以後婦人。最宜服此。

三棱丸治紅脉不通。氣痛滯下。兼治血瘕。形如鎌鐵樣。

當歸去尾

川芎

牛膝去苗

芫花

三棱

莢虎

蒲黃

玄胡索

牡丹皮

乾薑

菴藷

白芷

地龍去泥土酒浸炒各一兩

大黃二兩爲末米醋一升文武火熬成膏

右爲末。入大黃膏和研。杵爛爲丸。每服二十丸。氣痛淡醋湯下。炒薑酒亦可。未通。紅花酒下。

治經脉不利。方緣經滯。卽爲水。水流走四肢。悉皆腫滿。名曰血分。其候與水相類。醫作水治之。非也。宜此。

人參

當歸

大黃

溫紙裹三斗米下蒸米熟去紙切焙

桂心

瞿麥穗

赤芍藥

白茯苓各半兩

葶

炒別研一分

右爲末。煉蜜丸。梧桐子大。每服十五丸至三十丸。空心米飲送下。

沒藥散治月信退出。皆爲禽獸之狀。似來傷人。先將綿塞陰戶。只頓服。

右以沒藥一兩。作丸散皆可。服卽愈。

撞氣阿魏丸大聖散兼服。治經行腹痛不可忍者。立效。紅丸子亦效。阿魏丸大方科心痛類。大聖散方見前。紅丸子大方科瘕瘕類。

艾煎丸治婦人室女。經候不調。臍腹冷痛。惡心。腹常脹滿。至晚則增。

食茱萸湯洗

當歸錢各七

熟地黃

白芍藥各一兩半

石菖蒲炒

川芎

人參各一兩

熟艾四兩糯米飲調作餅焙

右爲末。煮酒糊丸。梧桐子大。調縮砂香附湯。送下五十丸。方見大方科諸氣類

濟陰丹治陰水不時。或崩中漏下。一切血疾。方見前

杜牛膝散治婦人室女血閉不通。五心煩熱。

紅花二錢半

大當歸

杜牛膝各五錢

桃仁去皮尖炒另研二錢半

右爲末。每服二錢。空心溫酒下。

大油煎散治經候不調。臍腹脹。腰腿無力。煩渴潮熱。身體拘倦。日漸羸瘦。

海桐皮

五加皮

牡丹皮

地骨皮

桑白皮各等分

右剉散。每服四錢。生薑三片。紅棗一枚。清油數點。水一盞半同煎。空心溫服。

血氣

抽刀散治血風血氣等疾。

五靈脂炒一兩

莪 茂

桂 心

芸薹子炒各半兩

右爲末。每服二大錢。酒半盞。煎八分。疾作熱服。

二神圓治血氣不和。作痛不止。及下血無時。月水不調。

眞蒲黃炒

萆 薢鹽炒

右等分爲末。煉蜜圓。梧桐子大。每服三十圓。空心溫酒送下。不飲。米飲下。一二服卽止。

沒藥散治一切血氣。臍腹撮痛。及產後惡露不行。兒枕塊痛。

血 竭

沒 藥火煨細研

桂 心

當 歸去尾

蒲 黃

紅 花

木 香

延胡索

乾 漆炒

赤芍藥各等分

右爲末。每服二錢。食前熱酒調下。

玄胡索湯治婦人室女七情傷感。遂使血與氣併。心腹作痛。或連腰脇。或引背脊。上下攻刺。甚作諸

搦。經候不勻。但是一切血氣疼痛。並可服之。

當 歸去蘆酒浸剉炒

玄胡索炒去毛

蒲 黃炒

赤芍藥

官 桂不見火各半兩

片子薑黃洗

乳 香

沒 藥

木 香不見火各三錢

甘 草炙二錢半

右剉散。每服四錢。水一盞半。生薑七片煎。食前溫服。吐逆加半夏橘紅各半兩。

琥珀散治婦人室女月水凝滯。脇肋脹刺。臍腹疝痛不可忍。及惡露不下。血上攻心。迷悶不省。應有血氣腹痛並治。

牡丹皮去木

赤芍藥

蓬莪朮炒

荆三棱剉各用煨

劉寄奴去梗

熟地黃酒炒

玄胡索炒

當 歸酒浸

烏 藥

官 桂不見火各一兩

右用前五味。以烏豆一升。生薑半斤切片。米醋四升同煮豆爛爲度。焙乾入後五味同爲末。每服

二錢。溫酒調空心食前服。

三神圓治室女血氣相搏。腹中刺痛。痛引心端。經行澀少。或經事不調。以致疼痛。

橘 紅二兩

玄胡索去皮醋煮

當 歸去蘆酒浸剉略炒各一兩

右爲末。酒煮米糊爲圓。梧桐子大。每服七十圓。加至一百圓。空心艾湯或米飲送下。

失笑散治血氣心腹刺痛欲死。諸藥不效。服此頓愈。

五靈脂

蒲

黃微炒各等分

右爲末。先用二錢。醋調熬成膏。入水一盞。煎七分。食前熱服。奇方治血氣痛游走。及腰痛。

右用莪朮切片乾漆打碎各二兩。同炒令漆焦香。取出漆不用。只以莪朮爲末。溫酒調下三錢。腰痛胡桃酒下。游走痛冷水調下。

手拈散治血氣刺痛不可忍者。及諸般氣痛。方見前大方科心痛類

煮附圓治血氣絞刺痛。方見前

三棱煎圓治血氣痞滿刺痛大效。方見大方科諸氣類

血瘕

桃仁煎圓治血瘕血積。經候不通。

桃仁

大黃各一兩

蟲

半兩炒黑

川朴消一兩

右並爲末。以醇醋二升半。銀石器中慢火煎取一升五合。下大黃桃仁等。不住手攪。欲下手圓。下朴消。更不住手攪。良久出之。圓如梧子大。前一日不吃晚食。五更初用溫酒吞下五圓。取下如赤豆汁。或如鷄肝蝦蟆衣狀。未下再作。如鮮血來卽止。續以調血氣藥補之。虛人斟酌用。

琥珀圓治血瘕腹中有塊攻刺。小腹痛重。或腰背相引爲痛。久而不治。黃瘦羸乏。

琥

珀別研

白芍藥

川

烏炮去皮

川牛膝去蘆酒浸

鱉

甲醋炙

蓬莪朮炮

當

歸去蘆酒浸

紫厚朴薑炒各一兩

木

香不見火

澤蘭葉

官

桂不見火各半兩

麝香另研半錢

右爲末。酒糊圓。梧桐子大。每服七十圓。空心溫酒米飲下。

通經圓治室女月經不行。臍下堅結。大如杯升。發熱往來。此名血瘕。加紅花。方見前

黑神圓

神

麴各四兩

木香

椒炒出汗

丁

香各半兩

檳榔四枚

漆六兩半生半重湯煮半日

右除椒漆。餘五味皆半生半炒。爲末。用生熟漆和圓。如彈子大。茴香末十二兩鋪陰地蔭乾。候外乾。并茴香裝器中。極乾去茴香。膀胱痠癖及疝墜。五膈血崩。產後諸血。漏下赤白。並一圓分四

服。死胎一圓。皆綿灰酒下。難產。炒葵子四十九粒搗碎。酒煎下一圓。諸疾不過三服。疫氣十服。膈氣癥癖五服。血瘕三圓當差。

血 蠱

木香散治脾氣血氣。血蠱氣蠱。水蠱石蠱。

木 香

沉 香

乳 香

香 炮

甘 草 一分各

川 芎

胡 椒

陳 皮

人 參

晉 礬

各 半

桂 心

乾 薑 炮

縮 砂 各一兩

茴 香 炒兩半

大 茄 五兩亦小者乾秤

右洗焙爲末。每服二錢。空心陳米飲調下。忌羊油。

溫白圓治婦人諸疾繼續而生。帶下淋瀝。五邪失心。愁憂思慮。意思不樂。飲食無味。月水不調。及腹中一切疾病。有似懷孕。連年累月。羸瘦困弊。或歌或哭。如鬼所使。但服此藥。無不愈者。

吳茱萸 湯洗七次 焙炒半兩

桔 梗 半兩

柴 胡

菖 蒲

紫 苑 去苗葉

黃 連 去發

肉 桂 去粗皮

茯 苓

蜀 椒 去目及閉口者炒出汗

人 參 去蘆

厚 朴 去粗皮薑汁炒

巴 豆 去皮心膜 出油炒研

皂 莢 去皮子 各半兩

川 烏 炮去皮鹽 二兩半

右爲末。入巴豆和勻。煉蜜圓。梧桐子大。每服二圓。生薑湯下。食後臨臥。漸加至五七圓。

血 癖

紅圓子治經水不調。腹中癖聚成塊。流走作痛。肌膚消瘦。脹滿不敢食。用烏梅濃煎湯。入鹽少許服之。薑湯下亦可。方見大方科瘕瘕類

大麝香圓治疫癘冷氣。兼疰氣。心腹痛不可忍。

麝 香 半兩 別研

阿 魏 一分 麝香取出一分 麝香取出一分

五 靈 脂

桃 仁 去尖 皮

三 棱 各三分

芫 花 醋炒

檳 榔 各一兩

莪 朮 煨

桂 心

沒 藥 別研

木 香

當 歸 各半兩

右爲末。入麝香令勻。用粳米軟飯爲丸。梧桐子大。每服十丸。不以時。淡薑湯下。

神效方治疫癘及血氣。

右以豬猪肝一具。可及十兩者。用巴豆五十粒去大皮。剖在肝內。用醃醋三碗。慢火熬令肝爛熟。

去巴豆。入砂鉢內研極爛。入荊三棱末和就得所。丸如梧桐子大。每服五丸。食前熱酒下。小烏鷄煎丸治疰瘕癥瘕。血氣塊硬。發歇刺痛。甚則欲死。或塊如小盤。每作痛。要人伏定方少止。數年不愈者。與葱白散間服即效。

吳茱萸

良薑

白薑

當歸去頭

赤芍藥

延胡索

破故紙

川椒

生乾地黄

劉寄奴

蓬莪茂

橘紅

青皮

川芎各一兩

荷葉灰四兩

熟艾二兩

右爲末。醋煮麵糊丸。梧桐子大。每服三五十丸。熱酒下。

葱白散治產前後腹痛。胎不安。或血刺痛疼。兼治血臟宿冷。百節倦疼。肌體怯弱。勞傷帶癖。一服盡除。婦人一切疾病。最宜服之。

川芎

當歸去尾

枳殼去穢

厚朴去粗皮

桂心

乾薑

芍藥

舶上茴香

青皮

苦練子

木香

熟地黄酒炒

麥芽

三棱

莪茂煨

茯苓去皮

神麴

人參各等分

右爲末。每服三錢。連根葱白二寸擘破。鹽半錢煎服。如大便不利。入大黃煎。却不入鹽。若大便自

利。入訶子煎。

腸覃

烏喙圓治腸覃病。因寒氣客於腸外。與衛氣相搏。正氣不榮。繫瘕內著。惡氣乃起。其生也。始如鷄卵。久久乃成。狀如懷胎。按之堅。推之即移。月事時下。故曰腸覃。亦治乳餘疾。大小便不利。并食有伏蠱。臃脹。癰疽毒腫。久寒邪氣。

烏

喙炮去皮尖二錢

半

夏湯洗四錢

石

膏煨

藜蘆炒

牡

蒙即繁

蓰

蓉酒浸各一錢

乾

薑炮

桂

心各一錢三字

巴

豆六七粒研膏

右爲末。煉蜜圓。菉豆大。每服三五丸。食後酒或飲送下。亦治男子疝痛。

食積

三棱煎治血癥血瘕。食積痰滯。

三

棱煨

莪

茂煨各二兩

青橘皮去白

半

夏

麥

芽炒各一兩

產科兼婦人雜病科

腸覃

食積

右以好醋六升煮乾。焙爲末。醋糊圓。梧桐子大。每服三四十圓。淡醋湯下。痰積多。以薑湯送下。
紅圓子治食積作塊膨痛。面黃。方見大方科痰癰類

膈氣

五膈寬中散分心氣飲沉香降氣湯方並見大方科諸氣類

血風

人參荊芥散治血風勞氣。身體疼痛。頭昏目澀。心忪煩倦。寒熱盜汗。頰赤口乾。痰嗽胸滿。精神不爽。或月水不調。臍腹疔痛。疥癬塊硬。疼痛發歇。或時嘔逆。飲食不進。或因產將理失節。淹延瘦瘁。乍起乍臥。甚卽著床。常服除一切風虛勞冷。孕婦莫服。

荊芥穗	人參	桂心	生乾地黃	北柴胡	鰲甲
酸棗仁 炒	枳殼 去穢	羚羊角屑 別爲末	白朮 各七錢半	川芎	當歸
防風	甘草 各半兩				

右劉散。每服三錢。水一盞半。生薑三片煎。熱服。日二服。

單方治血風攻頭。腦旋倒地。不知人事。

右以嫩蒼耳草心不拘多少。陰乾爲末。不以時服一錢效。

小黑神圓治血風走注攻刺。半身不遂。麻痺癢癢。急風口眼喎斜。言語蹇澀。手足拘攣。

烏頭 一個	芫花	乾薑 各五錢
----------------------	----	-----------------------

右爲末。醋煮令乾。更杵爲末。再入桂心天麻海桐皮黑豆爲末。入前藥和勻。別用黑豆煮極爛。研如泥。以豆汁調和前末。研合爲圓。每服七圓至十圓。以黑豆淋酒下。忌一切毒物。

大芎藭散治婦人血風。身體骨節疼痛。心膈壅滯。少思飲食。

川芎 一兩	赤茯苓	赤芍藥	酸棗仁 炒	桂心	當歸 去尾
木香	川牛膝 各三分	羌活	枳殼 去穢炒	甘草 各半兩	

右劉散。每服三錢。水一大盞。薑三片煎。不拘時熱服。

羚羊角散治血風身體疼痛。手足無力。心神壅悶。

羚羊角 屑	酸棗仁 炒	生乾地黃	檳榔 各一兩	五加皮	防風 去叉
----------------------	----------------------	------	-----------------------	-----	----------------------